

Broj: 02C-3275-13/26

Sarajevo, 12.06.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku, broj: 02C-3275-11/26 od 10.06.2026. godine, u postupku javne nabavke usluga: **Održavanje UPS uređaja, telefonske centrale i telefonskih instalacija, JN-36/26**, direktor Javne ustanove Opća bolnica „Prim. dr. Abdulah Nakaš“, je donio

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za nabavku, broj: 02C-3275-11/26 od 10.06.2026. godine, za javnu nabavku usluga: **Održavanje UPS uređaja, telefonske centrale i telefonskih instalacija**, da se Okvirni sporazum za nabavku usluga dodijeli ponuđačima kako slijedi:

Ponuđaču ENERGOINVEST – SUE d.d. Sarajevo, ponuda dostavljena dana 26.05.2026. godine, za ponuđenu cijenu za lotove:

1. LOT 1 – Održavanje UPS uređaja – 10.000,00 KM bez uračunatog PDV-a, odnosno 11.700,00 KM sa uračunatim PDV-om kao jedinom i prihvatljivom ponuđaču na jednogodišnjem nivou;

Ponuđaču U-MKS d.o.o. Sarajevo, ponuda dostavljena dana 26.05.2026. godine, za ponuđenu cijenu za lotove:

1. LOT 2 – Održavanje telefonske centrale – 5.990,00 KM bez uračunatog PDV-a, odnosno 7.008,30 KM sa uračunatim PDV-om kao jedinom i prihvatljivom ponuđaču na jednogodišnjem nivou;

2. LOT 3 – Održavanje telefonskih instalacija – 5.969,00 KM bez uračunatog PDV-a, odnosno 6.983,73 KM sa uračunatim PDV-om kao kao najpovoljnijem ponuđaču na jednogodišnjem nivou.

**Član 2.**

Postupak iz člana 1. ove Odluke proveden je metodom konkurentski zahtjev za dostavu ponuda, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

**Član 3.**

Informacije o E-aukciji:

Ugovorni organ je u tenderskoj dokumentaciji predvidio provođenje E-aukcije.

Nakon prijema i evaluacije ponuda konstatovano je da je ponudu za 1 i 2 dostavio po 1 (jedan) prihvatljivi ponuđač i to:

1. ENERGOINVEST – SUE d.d. Sarajevo – LOT 1

2. U-MKS d.o.o. Sarajevo – LOT 2

U skladu sa članom 3.stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

E-aukcija je provedena za lot 3:

Po završetku E-aukcije, a na osnovu Izvještaja o toku i završetku E-aukcije, utvrđena je rang – lista kako slijedi:

1. U-MKS d.o.o. Sarajevo sa konačnom cijenom ponude u iznosu od 5.969,00 KM bez uračunatog PDV-a;
2. FIXIT d.o.o. Sarajevo sa konačnom cijenom ponude u iznosu od 6.000,00 KM bez uračunatog PDV-a .

U predmetnom postupku nije bilo nekvalifikovanih ponuđača.

#### **Član 4.**

Izabrani ponuđači oslobađaju se obaveze da dostave originale ili ovjerene kopije dokumentacije iz člana 45. Zakona o javnim nabavkama, budući da su iste dostavili u ponudu.

#### **Član 5.**

Prijedlog Okvirnog sporazuma za LOT-ove za koje su ponude dostavili po jedan kvalifikovani ponuđač, dostavit će se na potpis izabranim ponuđačima uz Odluku o izboru najpovoljnijeg ponuđača.

#### **Član 6.**

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba) ), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) i članom 71. stav (2) Zakona o javnim nabavkama.

#### **Obrazloženje**

Postupak javne nabavke sproveden je putem konkurentnog zahtjeva za dostavu ponuda, broj tendera JN-36/26, a isti je pokrenut Odlukom o pokretanju postupka javne nabavke, broj: 02C-3275-1/26 od 15.04.2026.godine.

Komisija za nabavku, imenovana je Rješenjem broj: 02C-3275-2/26 od 15.04.2026.godine.

Procijenjena vrijednost javne nabavke iznosi 22.000,00 KM bez uračunatog PDV-a, odnosno po lotovima kako slijedi:

|                                                 |              |
|-------------------------------------------------|--------------|
| LOT 1 – Održavanje UPS uređaja.....             | 10.000,00 KM |
| LOT 2 – Održavanje telefonske centrale.....     | 6.000,00 KM  |
| LOT 3 – Održavanje telefonskih instalacija..... | 6.000,00 KM  |

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 02C-3275-10/25 od 10.06.2026. godine, Preporuku o izboru najpovoljnijeg ponuđača broj: 02C-3275-11/25 od 10.06.2026. godine i Izvještaj o radu broj: 02C-3275-12/25 od 10.06.2025. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno da su u predmetnom postupku blagovremeno primljene dvije ponude i da nije bilo neblagovremeno primljenih ponuda.



**Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:**

Ponuda ponuđača ENERGOINVEST SUE d.d. Sarajevo za LOT 1 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

Ponuda ponuđača U-MKS d.o.o. Sarajevo za LOT 2 i 3 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

Ponuda ponuđača FIXIT d.o.o. Sarajevo za LOT 3 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Amra Mulaosmanović, BA prava  
Službenik za javne nabavke

Kontrolisala:

Aldijana Ećo Ajkunić, BA prav  
Šef Odsjeka za javne nabavke

Dostaviti:

- ENERGOINVEST SUE d.d.; [info@sue.ba](mailto:info@sue.ba)
- U-MKS d.o.o.; [usluge.mks@gmail.com](mailto:usluge.mks@gmail.com)
- FIXIT d.o.o.; [info@fixit.ba](mailto:info@fixit.ba) ; [tenderi@fixit.ba](mailto:tenderi@fixit.ba)
- Odsjek za javne nabavke
- Odjeljenje za tehničke poslove i investicije
- Odjeljenje za ekonomsko-finansijske poslove



**DIREKTOR**  
**Prof. dr. Ismet Gayrankapetanović**